

Bosna i Hercegovina  
Federacija Bosne i Hercegovine  
Federalno ministarstvo energije, rudarstva i industrije  
Mostar

**Program utroška sredstava utvrđenih u razdjelu 17.  
Budžeta Federacije Bosne i Hercegovine za 2019. godinu  
Federalnom ministarstvu energije, rudarstva i industrije  
„Tekući transferi i drugi tekući rashodi – Subvencije  
privatnim preduzećima i poduzetnicima iz oblasti  
namjenske industrije”**

Mostar, mart 2019. godine

## 1. UVOD

Namjenska industrija se nalazi među pet sektora koji ostvaruju najbolje rezultate u BiH, kada je riječ o vanjskotrgovinskom prometu. Za razliku od perioda procvata vojne industrije u bivšoj državi, kada je tržište za domaće kompanije bilo manje-više osigurano, postojeća preduzeća su se suočila sa izazovom nepostojanja jakog domaćeg tržišta te fokusiranja na pronalazak i osvajanje novih tržišta. Potencijal za daljnji napredak i razvoj ove industrije je velik i potrebno je uložiti značajne napore da bi se ovaj sektor nastavio razvijati i jačati. U tu svrhu Vlada Federacije Bosne i Hercegovine treba da nastavi sa aktivnostima koje na bilo koji način mogu pomoći namjenskoj industriji u Federaciji Bosne i Hercegovine da postane pokretač razvoja i rasta privrede uz očuvanje postojećih i otvaranje novih radnih mjesta. U tom smislu Vlada Federacije Bosne i Hercegovine se i ove budžetske godine opredijelila za dodjelu grant sredstava kao pomoć namjenskoj industriji Federacije Bosne i Hercegovine.

## 2. PRAVNI OSNOV

- Projekat: Razvoj industrijske politike u Federaciji Bosne i Hercegovine, („Službene novine Federacije BiH“, broj 40/10);
- Akcioni plan za realizaciju projekta „Razvoj industrijske politike u Federaciji BiH“ 2016-2019 (Zaključak V. broj: 91/2016 od 14.01.2016. godine);
- Strategija razvoja namjenske industrije u periodu 2012-2022. godine (Zaključak V. broj: 1423/11 od 22.12.2011. godine).
- Akcioni plan koji prati izvršenje Strategije razvoja namjenske industrije u periodu 2012-2022. godine (Zaključak V. broj: 1068/2012 od 26.07.2012. godine).

## 3. ZAKONODAVNI OKVIR PROVOĐENJA PROGRAMA

- Budžet Federacije Bosne i Hercegovine za 2019. godinu („Službene novine Federacije BiH“, broj 11/19);
- Zakon o izvršavanju Budžeta Federacije Bosne i Hercegovine za 2019. godinu („Službene novine Federacije BiH“, broj 11/19);
- Zakon o proizvodnji i prometu naoružanja i vojne opreme u Federaciji Bosne i Hercegovine („Službene novine Federacije BiH“, broj 79/07)
- Zakon o proizvodnji naoružanja i vojne opreme („Službeni glasnik BiH“, br. 9/04 i 25/09);
- Zajednička lista vojne opreme obuhvaćena pravilima ponašanja Evropske unije o postupanju kod izvoza oružja („Službeni glasnik BiH“, broj 9/2003).

#### **4. CILJ PROGRAMA**

Cilj Programa utroška sredstava utvrđenih u razdjelu 17. Budžeta Federacije Bosne i Hercegovine za 2019. godinu Federalnom ministarstvu energije, rudarstva i industrije „Tekući transferi i drugi tekući rashodi – Subvencije privatnim preduzećima i poduzetnicima iz oblasti namjenske industrije” (u daljem tekstu: Program), je stvoriti povoljnije poslovno i investicijsko okruženje kao i poboljšanje okvirnih uslova za poslovanje preduzeća iz oblasti namjenske industrije u Federaciji Bosne i Hercegovine, a kroz realizaciju strateških ciljeva koji su usvojeni u dokumentu Razvoj industrijske politike u Federaciji Bosne i Hercegovine i Strategija razvoja namjenske industrije.

U skladu sa tim, očekivani efekti Programa su:

- povećanje broja zaposlenih,
- rast indeksa industrijske proizvodnje za sektor namjenske industrije,
- primjena novih naprednih tehnologija i tehnoloških postupaka,
- infrastrukturno osposobljeni pogoni za pokretanje novih proizvodnih procesa,
- razvoj novih proizvoda, modernizacija proizvodnih procesa i
- poboljšanje općeg privrednog stanja.

#### **5. NAMJENA DODIJELJENIH SREDSTAVA**

Kako je namjenska industrija, djelatnost od posebne federalne važnosti, Federalno ministarstvo energije, rudarstva i industrije (u daljem tekstu: Ministarstvo) se opredijelilo za dodjelu grant sredstava i privatnim preduzećima iz oblasti namjenske industrije, odnosno pravnim licima koja su u sudski registar upisana kao privredno društvo u kojem privatna lica imaju udio u vlasništvu u iznosu, najmanje, 50% plus jedna dionica.

Dodjela grant sredstava se vrši za:

- repariranje, remont i modernizaciju zastarjele opreme neophodne za proizvodne procese,
- nabavku nove opreme za proizvodnju,
- razvoj novih tehnologija i razvoj serijske proizvodnje,
- infrastrukturne radove na proizvodnim pogonima s ciljem pokretanja novih proizvodnih procesa i unapređenje postojećih.

#### **6. KRITERIJI ZA IZBOR KORISNIKA SREDSTAVA ZA DODJELU**

Dodjela sredstava po ovom Programu biti će regulisana ugovorom o dodjeli grant sredstava, koji će Ministarstvo sklopiti sa korisnikom sredstava.

Korisnici sredstava po ovom Programu su privredna društva sa sjedištem u Federaciji Bosne i Hercegovine čija je djelatnost definisana u tački 5. ovoga Programa. Privredna društva koja apliciraju za dodjelu grant sredstava, moraju biti registrovana u skladu sa

Zakonom o proizvodnji i prometu naoružanja i vojne opreme u Federaciji Bosne i Hercegovine („Službene novine Federacije BiH“ broj 79/07), moraju imati Rješenje o izdavanju dozvole za proizvodnju naoružanja i vojne opreme, robe dvojne namjene ili robe posebne namjene i Rješenje o upisu u registar osoba spoljnotrgovinskog prometa, izdate od strane Ministarstva spoljne trgovine i ekonomskih odnosa Bosne i Hercegovine, te da zapošljavaju najmanje 10 zaposlenika.

Pri izboru korisnika sredstava potrebno je voditi računa o sljedećem:

- Teritorijalna zastupljenost – (tokom odabira korisnika sredstava treba uzeti u obzir da izabrani korisnici budu sa cijelog područja Federacije Bosne i Hercegovine, odnosno kantona u slučaju da se potražuje više sredstava od raspoloživog iznosa);
- Potpisani ugovori ili dogovoreni predugovori vezani za izvoz; (privredno društvo koje ima potpisane ugovore ili dogovorene predugovore vezane za izvoz ima prednost nad drugim privrednim društvom koje nema iste).

## **7. SREDSTVA PREDVIĐENA ZA DODJELU**

Sredstva za provedbu ovog Programa utvrđena su u razdjelu 17, ekonomski kod 614 Budžeta Federacije Bosne i Hercegovine za 2019. godinu.

Navedena sredstva su grant sredstva Federalnog ministarstva energije rudarstva i industrije i dodjeljivati će se po raspisanom Javnom pozivu.

Budžetom Federacije Bosne i Hercegovine u 2019. godini, Ministarstvu, u Razdjelu 17, „Tekući transferi i drugi tekući rashodi – Subvencije privatnim preduzećima i poduzetnicima“ obezbijedena su sredstva u ukupnom iznosu od 1.000.000,00 KM i predviđeno je da se ista rasporede ovim Programom.

Privredna društva po ovome Programu mogu ostvariti pravo na dodjelu grant sredstava samo po jednom dostavljenom zahtjevu.

Po ovom Programu ne mogu aplicirati privredna društva koja su bila korisnici grant sredstava dodijeljenih od strane Ministarstva a od kojih je zatražen povrat istih.

## **8. TRAJANJE PROGRAMA**

Program traje do utroška sredstava, a najkasnije do kraja fiskalne godine (odnosno do 31.12.2019. godine).

## **9. TIJELA NADLEŽNA ZA PROVOĐENJE PROGRAMA**

Tijela nadležna za provođenje i nadzor nad namjenskim korištenjem sredstava po ovom Programu su Ministarstvo i Federalno ministarstvo finansija/financija, svako u okviru svoje nadležnosti.

U slučaju da se sredstva ne opravdaju, privredno društvo kome su ista dodijeljena, obavezno je vratiti sredstva na Jedinствен račun Trezora Federacije Bosne i Hercegovine.

## 10. PROVOĐENJE PROGRAMA

Sredstva se dodjeljuju na osnovu raspisanog Javnog poziva. Javnim pozivom se definiše potrebna dokumentacija koja se prilaže uz zahtjev za dodjelu sredstava. Javnim pozivom, od potencijalnih korisnika sredstava, biti će zatražena sljedeća dokumentacija:

- Zahtjev za dodjelu grant sredstava,
- Program sa detaljnom specifikacijom i rekapitulacijom potrebnih novčanih sredstava za realizaciju programa koji se kandiduje za dodjelu grant sredstava sa očekivanim efektima utroška sredstava,
- Rješenje o registraciji sa svim izmjenama i dopunama,
- Rješenje o izdavanju dozvole za proizvodnju naoružanja i vojne opreme, robe dvojne namjene ili robe posebne namjene izdato od strane Ministarstva spoljne trgovine i ekonomskih odnosa Bosne i Hercegovine,
- Rješenje o upisu u registar osoba spoljnotrgovinskog prometa, izdato od strane Ministarstva spoljne trgovine i ekonomskih odnosa Bosne i Hercegovine,
- Aktuelni izvod iz u sudskog registra (ne stariji od 30 dana),
- Statut ili odluka/akt o osnivanju,
- Uvjerenje o poreznoj registraciji kod Porezne uprave – ID broj,
- Uvjerenje o registraciji obveznika poreza na dodanu vrijednost – PDV broj,
- Obavjest nadležnog zavoda za statistiku o razvrstavanju prema djelatnosti,
- Lične karte i CIPS potvrde o prebivalištu lica ovlaštenih za zastupanje,
- Spisak zaposlenika iz matične evidencije aktivnih osiguranika, izdat od strane nadležne službe ne stariji od 30 dana od dana podnošenja zahtjeva (min. 10 zaposlenika).

Napomena:

Zahtjev za dodjelu grant sredstava može se preuzeti na web stranici Ministarstva ([www.fmeri.gov.ba](http://www.fmeri.gov.ba)).

Svi traženi dokumenti trebaju biti originali ili ovjerene kopije ne starije od 30 dana od dana podnošenja zahtjeva za dodjelu grant sredstava.

Zahtjev za dodjelu sredstava sa potrebnom dokumentacijom po Javnom pozivu, uvezan i poredan po tačkama Javnog poziva, podnosi se Ministarstvu, potpisan od strane ovlaštenog lica.

U cilju provođenja postupka dodjele sredstava na osnovu podnesenih zahtjeva, federalni ministar energije, rudarstva i industrije Rješenjem imenuje Komisiju za pripremu i provođenje poziva za realizaciju Programa utroška sredstava utvrđenih u razdjelu 17. Budžeta Federacije Bosne i Hercegovine za 2019. godinu Federalnom ministarstvu energije, rudarstva i industrije „Tekući transferi i drugi tekući rashodi – Subvencije privatnim preduzećima i poduzetnicima iz oblasti namjenske industrije” (u daljem tekstu: Komisija za selekciju), koja se sastoji od tri člana iz reda zaposlenika Ministarstva.

Javni poziv po ovom Programu biti će raspisan nakon usvajanja Programa od strane Vlade Federacije Bosne i Hercegovine i biti će otvoren 30 dana od dana zadnje objave. Ukoliko sredstva ne budu utrošena po prvom raspisanom Javnom pozivu, Ministarstvo će ponovo raspisati Javni poziv, do utroška istih.

Komisija za selekciju će izvršiti pregled pristiglih zahtjeva za dodjelu sredstava i formalno ispravne zahtjeve proslijediti Komisiji za ocjenu, koja će u skladu sa Rješenjem o imenovanju Komisije za ocjenu, izvršiti ocjenu istih. Nakon izvršenog ocjenjivanja, Izvještaj sa rang listom koja se formira na osnovu visine dodijeljenih bodova, dostavlja se Komisiji za selekciju koja će na osnovu utvrđenih kriterija, sačiniti Prijedlog sa rang listom pojedinačnih zahtjeva sa predloženim iznosima novčanih sredstava za dodjelu i isti dostaviti federalnom ministru energije, rudarstva i industrije. Komisija za selekciju može zatražiti od preduzeća dodatna pojašnjenja i dodatnu dokumentaciju.

Pri izboru korisnika će se poštivati osnovni principi kao što su jednako postupanje, ravnomjerna teritorijalna zastupljenost, nediskriminacija, povjerljivost i transparentnost. Sve komisije su dužne sačiniti zapisnik.

Federalni ministar energije, rudarstva i industrije će, na osnovu dostavljenog Prijedloga rang liste pojedinačnih zahtjeva sa dodijeljenim iznosima novčanih sredstava od strane Komisije, uputiti Prijedlog odluke Vladi Federacije Bosne i Hercegovine o izboru korisnika grant sredstava, na usvajanje.

## **11. KONTROLA UTROŠKA GRANT SREDSTAVA**

Ministarstvo će imenovati i Komisiju za kontrolu namjenskog utroška grant sredstava po Programu ( u daljem tekstu: Komisija za kontrolu utroška).

Komisija za kontrolu utroška radi u skladu sa Programom i Javnim pozivom i dužna je sačiniti Zapisnik o utrošku sredstava za svako preduzeće. Izvještaj o utrošku grant sredstava za 2019. godinu će se putem Ministarstva dostaviti Vladi Federacije Bosne i Hercegovine na razmatranje i usvajanje.

## **12. OBJAVLJIVANJE AKTA**

Ministarstvo će ovaj Program, Odluku o usvajanju Programa i Odluku o izboru korisnika grant sredstava utvrđenih u razdjelu 17. Budžeta Federacije Bosne i Hercegovine za 2019. godinu Federalnom ministarstvu energije, rudarstva i industrije „Tekući transferi i drugi tekući rashodi – Subvencije privatnim preduzećima i poduzetnicima iz oblasti namjenske industrije“, objaviti u „Službenim novinama Federacije BiH“ i na web stranici Ministarstva: ([www.fmeri.gov.ba](http://www.fmeri.gov.ba)).

Ministarstvo će Javni poziv za kandidovanje Programa objaviti u dnevnoj štampi „Dnevni avaz“ i „Večernji list“, te u „Službenim novinama Federacije BiH“, kao i na web stranici Ministarstva: ([www.fmeri.gov.ba](http://www.fmeri.gov.ba)).

**MINISTAR**  
Nermin Džindić